

SOCIAL



Awe ta cumpli su prome añito DERRICK WEVER cu ta ricibi masha flicitacion di su mama y tata, di su ruman stima, madrina y padrino, di su Nana, papa, tantanan y omonan, primanan y primonan, abuelonan y abuelanan, demas familia y di DIARIO.



Awe ta cumpli aña e dos reinanan di cas SUHAIL Y SHAARYL ZAADAM kendenan ta ricibi hopi pabien di nan dos oma y opanan, di nan mami y papi, tur tanti y ompinan, amigitanan y amigitonan, demas familia y di DIARIO.

SOLAIKA ROSA ta cumpli aña awe y ta ricibi masha flicitacion di su mama y tata, rumannan, welo y welanan, tanta y omonan, madrina, amiga y amigitanan demas familia y di DIARIO.



Awe ta cumpli 40 aña di feliz bida matrimonial, SR. AGUSTO y SRA. AURA RIJNA cu ta ricibi flicitacion di nan 12



yiunan, 7 nieta y 6 nietonan, especialmente di nan 4 yiunan y dos nietonan na Hulanda, demas familia y di DIARIO.

*Cu Orgullo y Alegria nos ta participa
nacimento di nos jui
RAYMOND MAXIMILIAN
ARENDs Jr.*

Mayornan: Elaine y Raymond Arends



Continuacion di pag. 11..

cu nan termina na dje ta pone cu automaticamente nan ta degrada pa tercer division.

Esaki ta e castigo cu e club aki a haya.

Un corte di nusticia na

castigonan.....

Ceske Budejovice a sentencia dos funcionario di e club anteriormente na castigonan di prison, pa motibo cu nan a trata di cumpra un victoria den campeonato aña pasa.

HUBILARIO NA AEROPUERTO



ORANJESTAD(AAN)—Sr. Narciso Pieters director adjunto di aeropuerto internacional Reina Beatrix recientemente a cumpli 25 aña den servicio di Gobierno. El a cuminsa su carera dia 1 di maart 1960 como asistente controlador aereo na aeropuerto di Curacao. tambe el a traha na St. Maarten. Sr. Pieters a sigui diferente curso ariba tereno di trafico aereo tanto na Antillas como den exterior manera na Libanon y

na Inglatera. E tabata tambe instructor principal di Air Traffic Control Training Centre na Curacao. Na 76 el a termina su examen practico pa controlador di trafico pa radar, y a yega di ocupa tambe puestonan clave, manera entre otro: hefe interino di seguridad pa trafico aereo pa Antillas, e tabata encarta cu e centro pa trafico aereo, e tabata director interino pa departamento di aviacion, y ariba dia 15 di de-

cember 79 el a drenta servicio di gobierno di Aruba como director adjunto di aeropuerto internacional Reina Beatrix.

Diputado encarga cu asuntonan di aeropuerto Sr. Michael Kuiperi a entrega e envelop tradicional na e jubilario den presencia di Sr. Michael Nicolaas director di aeropuerto, señora Pieters y yiu di e pareha, Ing. Mario Bikker, hefe di servicio tecnico y Sr. Alexander administrador interino di aeropuerto.



Algun dia pasa tabata un ocasion special pa algun huesped di Aruba Concorde Hotel ora cu fotografo di e hotel a saca nan portret hunto cu e ehecutivonan di e hotel. E parehanan aki pa mas di cinco aña consecutivo ta pasa nan vacacion na e

hotel aki. Sr. Jorge Duran Gerente Residente y Sr. Giovanni Capriles Gerente di Front Desk a duna homenahe na e parehanan Goodman, Kane, Druckman, y Glasrot (cu no ta ariba e foto). Indudablemente e parehanan aki ta embahadornan di

bon voluntad pa turismo di Aruba. Ariba e foto por mira di r.p. d. Sr. Duran, Claire y Irving Goodman di Toronto, Canada, Gloria y Albert Kane di New Jersey, Irving y Abigail Druckman di New York y Sr. Capriles.